

李泰伯先生文集

711.114
54026

李泰伯先生文集

盱江先生全集卷之二

易論第一 計十三篇

或曰易之爲書也其不可學邪何其微而不顯也曰學者之過也聖人作易本以教人而世之鄙儒忽其常道競習異端有曰我明其象則卜筮之書未爲泥也有曰我通其意則釋老之學未爲荒也書讀夜思疲心於無用之說其以惑也不亦宜乎包犧畫八卦而重之文王周公孔子繫之辭輔嗣之賢從而爲之注炳如秋陽坦如大達君得之以爲君臣得之以爲臣萬事之理猶輻之於輪靡不在其中矣爾欲聞之乎曰然則請問爲君之道曰夫用貴莫若

恭用富莫若儉恭則衆歸焉儉則財阜焉恭儉者先王之
所以係四海也損六五曰或益之十朋之龜弗克違元吉
龜可決疑喻明智也以柔居尊而爲損道明智之士皆樂
爲用矣非徒人助天且福之故象曰六五元吉自上祐也
恭之得衆也如此賁六五曰賁于丘園束帛戔戔吝終吉
丘園謂質素之地也五得尊位爲飾之主而每事質素與
丘園相似則費財物束帛乃戔戔不多也儉之足用也如
此非徒儉於身也祭祀鬼神尚可菲薄旣濟九五曰東鄰
殺牛不如西鄰之禴祭實受其福禴祭之薄者也謂脩德
以祭雖薄而受福也夫上之利民以財則不足也百姓安

媿彼哉

國用第十二

司市凡治市之貨賄六畜珍異亡者使有利者使阜害者
使亡靡者使微利利於民謂物實厚者害害於民謂物行
苦者使有使阜起其賈以召之也使亡使微抑其賈以却
之也侈靡細好使富民好奢微之而已又爲飭之禁在民
者十有二在商者十有二在賈者十有二在工者十有二
所以俱十有二者工不得作賈不得弼商不得資民不得
畜王制曰用器不中度不弼於市兵車不中度不弼於市
布帛精粗不中數幅廣狹不中量不弼於市奸色亂正鬻

不粥於市五穀不時累實未熟不粥於市木不中伐不粥
於市禽獸魚鼈不中殺不粥於市亦其類也夫理財之道
去僞爲先民之詐僞盖其常心矧茲市井飭行儉慝何所
不至哉奸僞惡物而可雜亂欺人以取利則人競趨之矣
豈惟愚民見欺邪使人妨日廢業以作無用之物人廢業
則本不厚矣物無用則國不實矣下去本而上失實禍自
此始也至於侈靡皆爲人費雖不可盡去亦當制節使微
少矣孟冬之月令曰毋或作爲淫巧以蕩上心必功致爲
上書曰不貴異物賤用物民乃足此之謂也噫爲國家者
孰不有意哉言而必信令而必行解矣

國用第十三

遺人掌邦之委積以待施惠鄉里之委積以恤人之艱阨
門關之委積以養老孤郊里之委積以待賓客野鄙之委
積以待羈旅縣都之委積以待凶荒委積者計九穀之數
足國用以其餘共之也艱阨謂民有困乏則賑恤之門關
謂出入有稅足國用之外留之以養死政之老與其孤也
郊里六鄉之民居郊者其委積以待賓客至郊與主國使
者接因與之廩餼也野鄙謂六遂客有羈繫未得去者則
於此惠之縣都謂四百里五百里中年穀不登則畿內畿
外通給之也世之有饑穰天之行也禹湯之聖猶弗能免

至於困窮孤獨寄客之人皆國所常有安坐而視其死則非仁人在上視民如傷者之意將推其惻隱則邦用有經倉之穀孰爲閑粒府之帛孰爲綏縷如是而輟焉禍蓋博矣故宜於大有年時蓄積以備之倉人有餘則藏之以待凶而頒之職內敘其財以待邦之移用亦謂此也然而洪範云臣無有作福晏子稱家施不及國使民弗知主恩而謂爲已力乃人臣之常過國家之大患也故鄉師以歲時巡國及野而調萬民之艱阨以王命施惠此慮之深禮之至也然則義倉之法亦有取焉耳

司救凡歲時有天患民病則以節廵國中及郊野而以王
命施惠由是觀之非直凶荒而後施予也疾疫亦有之矣
夫四時之厲或連月不愈或閤門不起丁壯臥于牀蓐則
老稚無能爲飲食所不給醫藥所不濟以至于死者豈天
命乎人主所宜動心矣賈師凡天患禁貴僨者使有常價
亦爲此也司關國凶札則無關門之征猶幾由是觀之凶
年非直除減田租彼貨賄之征皆舍之疾疫亦然夫阻飢
之人營求衣食固無所不至文將籠其貨賄則何以措手
足乎況於疾疫之世安得助天爲虐邪人主所宜動心矣
掌客凡禮賓客國新殺禮凶荒殺禮札喪殺禮禍裁殺禮

在野在外殺禮由是觀之非直以歲之下則殺邦用若新
建國及札喪槨哉在野在外皆殺禮也禮許儉不非無安
得重困於無聊之民求備乎籩豆之事也人主所宜動心
矣善夫大荒則不舉大札則不舉天地有哉則不舉邦有
大故則不舉由是觀之非直於外事殺禮若王膳亦爲之
貶也譬諸父母其子之不哺而日餘膏粱可哉人主所宜
動心矣故曲禮曰凶荒年穀不登君膳不祭肺馬不食穀
馳道不除祭事不縣大夫不食粱士飲酒不樂皆自貶損
憂民之道也如此天不爲之感人不爲之悅用度不足海
內不安未之前聞也

國用第十五

鄉師以國比之法以時稽其夫家衆寡辨其老幼貴賤廢疾馬牛之物辨其可任者與其施舍者掌其成令糾禁聽其獄訟鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書征之者謂給公上築作挽引道渠之役也國中復除者多役使者少人少則勞故晚役而早免之二十以及六十是也野復除者少役使者多人多則逸故早役而晚免之十五以及六十五是也君子之於人裁其勞逸而

用之可不謂義乎世有仕學之鄉或舍役者半農其間者
不亦難乎而上弗之恤悖矣貴者有爵命服公事者有功
勞誠不可後然復其身而已世有一戶皆免之若是則老
者疾者亦可以閤門不使耶至於馬牛皆辨其可任善夫
世有人未嘗芻秣而責以牽傍其饑費敗家者衆矣况乎
水旱疾疫之歲飢餓之弗察死亡之弗圖而臨以定制毆
之給使可乎故均人凡均力政以歲上下豐年則公旬用
三日焉中年則公旬用二日焉無年則公旬用一日焉凶
札則無力政無財賦也古者使民歲不過三日而秦法月
爲更卒已復爲正一歲屯戍一歲力役三十倍於古何不

仁之甚也天之畔之晚矣

國用第十六

大司徒以保息六養萬民六曰安富謂平其繇役不專取也夫哉先王之法其所以有天下而民不斃者乎孔子謂既庶矣富之既富矣教之管子有言倉廩實知禮節衣食足知榮辱然則民不富倉廩不實衣食不足而欲教以禮節使之趨榮而避辱學者皆知其難也及其爲國家則有反是者矣田皆可耕也桑皆可蠶也材皆可飭也貨皆可通也獨以是富者心有所知力有所勤夙興夜寐攻苦食淡以趨天時聽上令也如此而後可以爲人之民反疾惡

之何哉疾惡之則任之重求之多勞必於是費必於是富者幾何其不黜而貧也使天下皆貧則爲之君者利不利乎故先王平其繇後不專取以安之也漢武帝時笑買人之緡匿不自占占不悉戍邊一歲沒入緡錢有能告者以其半畀之卽治魏國緡錢得民財物以億計奴婢千萬數田大縣數百頃小縣百餘頃宅亦如之商賈中家以上大氏破民媮甘食好衣不事蓄藏之業當是之時天下何如其不亡者幸也世俗不辨是非不別淑慝區區以擊彊爲事噫富者乃彊邪彼椎埋而誅者果何人也

肝江先生全集卷之九

軍衛第一

兵者國之大事人知之矣然先王足兵而未嘗有兵後世有兵而未嘗足兵何以言之小司徒會萬民之卒伍而用之五人爲伍五伍爲兩四兩爲卒五卒爲旅五旅爲師五師爲軍以起軍旅以作田役以此追胥以令貢賦乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人惟田與追胥竭作夏官序凡制軍萬有二千五百人爲軍王六軍大國三軍次國

二軍小國一軍軍將皆命卿二千有五百人爲師師帥皆
中大夫五百人爲旅旅帥皆下大夫百人爲卒卒長皆上
士二十五人爲兩兩司馬皆中士五人爲伍伍皆有長凡
民在鄉則五家爲比家出一人故在軍五人爲伍比長因
爲伍長五比爲閭故五伍爲兩閭胥因爲兩司馬四閭爲
族故四兩爲卒族師因爲卒長五族爲黨故五卒爲旅黨
正因爲旅帥五黨爲州故五旅爲師州長因爲師帥五州
爲鄉故五師爲軍鄉大夫因爲軍將士不特選皆吾民也
將不改置皆吾吏也有事則毆之以行陣事已則歸之於
田里無招收之煩而數不闕無廩給之費而食自飽故曰

爲王足兵而未嘗有兵也壘壁以聚之倉庫以生之群賊
類坐而不使補死填亡之不暇故曰後世有兵而未嘗足
兵也管仲相齊桓公作內政而寓軍令焉故卒伍定乎里
而軍政成乎郊連其什伍居處同樂死生同憂禍福共之
故夜戰則其聲相聞晝戰則其目相見緩急足以相死其
教已成外攘夷狄內尊天子以安諸夏然則鄉軍之法固
嘗試矣善哉

軍衛第二

大司馬中春教振旅遂以蒐田火弊獻禽以祭社中夏教
芟舍遂以苗田車弊獻禽以享杓中秋教治兵遂以獮田